

今體詩鈔

冊二

五言今體詩鈔卷第六

杜子美下三十七首

杜公長律有千門萬戶開闔

劣專主此體猶能近似長律則不為無識自來學杜公者他體此猶能近似長律則不為無識自來學杜陵自有連城璧爭奈微之識杜公長律旁見此而目為珣玞此成何論耶杜公長律轉得清出無所不包而首尾一線尋其脈絡其整晰明他入指陳編隘而意緒或反不逮其整晰

夔府書懷四十韻

昔罷河西尉初興薊北師

起六韻自述生平進退不

才名位晚敢恨省郎遲扈聖崆峒日端居瀝灝時萍

流仍汲引樗散尚恩慈遂阻雲臺宿常懷湛露詩翠

華森遠矣白首颯淒其拙被林泉滯生逢酒賦欺文

園終寂寞漢閣自磷緇病隔君臣議慚紆德澤私揚

鑣驚主辱拔劍撥年衰

以下自敘社稷經綸地風雲

際會期血流紛在眼涕泗亂交頤四瀆樓船泛中原

鼓角悲賊城連白翟戰瓦落丹墀先帝嚴靈寢宗臣

切受遺恆山猶突騎遼海競張旗田父嗟膠漆行人

避蒺藜總戎存大體降將飾卑詞楚貢何年絕堯封

舊俗疑長吁翻北寇一望卷西夷不必陪元圃超然

待具茨凶兵鑄農器講殿闢書帷此雖佳事而非時務子山所謂天子

方剛詩書定禮樂肅代好佛廟算高難測天憂實在

茲形容真潦倒答效莫支持使者分王命以下傷蜀中奉使者

稱之不羣公各典司恐乖均賦斂不似問瘡痍萬里煩

供給孤城最怨思綠林寧小患雲夢欲難追卽事須

嘗膽蒼生可察眉議堂猶集鳳貞觀是元龜處處喧

飛檄家家急競錐蕭車安不定蜀使下何之釣瀨疏

墳籍以下述所處情況耕巖進弈棋地蒸餘破扇冬暖更纖

絺豺遘哀登粲麟傷泣象屣衣冠迷適越藻繪憶游

睢賞月延秋桂。傾陽逐露葵。大庭終返樸。京觀且僵尸。高枕虛眠晝。哀歌欲和誰。南宮載勳業。凡百慎交綏。

敝廬遣興奉寄嚴公

野水平橋路。春沙映竹村。風輕粉蝶喜。花暖蜜蜂喧。把酒宜深酌。題詩好細論。府中瞻暇日。江上憶詞源。迹忝朝廷舊。情依節制尊。還思長者轍。恐避席爲門。遣興

驥子好男兒。前年學語時。問知人客姓。誦得老夫詩。世亂憐渠小。家貧仰母慈。鹿門攜有處。烏道去無期。天地軍麾滿。山河戰角悲。儻歸免相失。見日敢辭遲。北風

春生南國瘴。氣待北風蘇。向晚羣殘日。初宵鼓大鑪。

爽攜卑溼地。聲拔洞庭湖。萬里魚龍伏。三更鳥獸呼。
滌除貪破浪。愁絕付摧枯。執熱沈沈在。陵寒往往須。
且知寬疾肺。不敢恨危塗。再宿煩舟子。衰容問僕夫。
今晨非盛怒。便道卽長驅。隱几看帆席。雲山湧坐隅。

太歲日

楚岸行將老。巫山坐復春。病多猶是客。謀拙竟何人。
閭闔開黃道。衣冠拜紫宸。榮光縣日月。賜與出金銀。
愁寂鵝行斷。參差虎穴鄰。西江元下蜀。北斗故臨秦。
散地逾高枕。生涯脫要津。天邊梅柳樹。相見幾回新。
大歷三年春。白帝城放船出瞿塘峽。久居夔府。
將適江陵。漂泊有詩凡四十二韻。

老向巴人裏。今辭楚塞隅。入舟翻不樂。解纜獨長吁。
窄轉深號狖。以下十二韻賦峽中虛隨亂浴鳧。石苔陵几杖。空

翠撲肌膚疊壁排霜劍奔泉濺水珠杳冥藤上下濃

淡樹榮枯神女峯娟妙昭君宅有無曲留明怨惜夢

盡失歡娛二上下寫峽中險急卻入此擺闔盤渦沸欹

斜激浪輸風雷纏地脈冰雪曜天衢鹿角真趨險狼

頭似跋胡自注鹿角狼頭二難名惡難甯變色高臥負微軀書

史全傾撓裝囊半壓濡生涯臨臬兀死地脫斯須不

有平川決以下十韻賦出峽後焉知衆壑趨乾坤霾漲海雨露

洗春蕪鷗鳥牽絲颺驪龍濯錦紆落霞沈綠綺殘月

壞金樞泥筍苞初荻沙茸出小蒲鴈兒爭水馬燕子

逐檣烏絕島容煙霧環洲納曉晡前聞辯陶牧轉盼

拂宜都縣郭南畿好津亭北望孤勞心依憩息朗詠

劃昭蘇意遣樂還笑以下十韻自慨衰迷賢與愚飄蕭將素

髮汨沒聽洪鑪邱壑曾忘返文章敢自誣此生遭聖

代誰分哭窮途臥病淹爲客蒙恩早廁儒廷爭酬造

化樸直乞江湖濫瀕險相迫

承峽中

滄浪深可逾

承出峽

浮名尋已已賴計卻區區喜近天皇寺

四句扇對

先披古

畫圖

自注此寺有晉王右軍書張僧繇畫孔子十哲形像

應經帝子渚同泣舜

蒼梧

此就重華而陳詞之意

朝士兼戎服

以下入韻慨時事

君王按湛

盧旄頭初倣擾鵠首麗泥塗甲卒身雖貴書生道固

殊出塵皆野鶴歷塊匪轅駒伊呂終難降韓彭不易

呼

世有伊呂其人不用則爲野鶴用之以濟艱難如歷塊耳雖有韓彭桀驚可以指麾呼之以此書生道

固殊也無此書生故甲卒貴而韓彭

跋扈矣此段仍公自比稷契之義五雲高太甲六

月曠搏扶回首黎元病爭權將帥誅山林託疲茶未

必免崎嶇

雄警奇變長律至此上嗣騷賦

秋日荆南述懷三十韻

昔承推獎分愧匪挺生才遲暮宮臣忝艱危衰職陪

揚鑣隨日馭折檻出雲臺罪戾寬猶活干戈塞未開

星霜元鳥變身世白駒催伏枕因超忽扁舟任往來

九鑽巴嘆火三蟄楚祠雷望帝傳應實昭王問不回

蛟螭深作橫豺虎亂雄猜素業行已矣浮名安在哉

琴鳥曲怨憤庭鶴舞摧頽秋水漫湘竹陰風過嶺梅

苦搖求食尾常曝報恩腮結舌防讒柄探腸有禍胎

蒼茫步兵哭展轉仲宣哀飢藉家家米愁徵處處桮

休爲貧士歎任受衆人哈以下感歎時事得喪初難識

榮枯劃易該差池分組冕合沓起蒿萊不必伊周地

皆登屈宋才宦豎擅國非伊周地也漢庭和異域晉

史圻中台霸業尋常體宗臣忌諱災此似謂李輔國

宗陰使人刺之而不明誅所謂忌諱羣公紛戮力聖

慮宵裘裏故進人太易則退之亦易所謂榮枯易該也

無愧斗魁之望則海內兵可數見銘鐘鼎真宜法斗

魁願聞鋒鏑鑄莫使棟梁摧盤石主多翦凶門轂少

推垂旒資穆穆祝網但恢恢赤雀翻然至黃龍不假

媒賢非夢傳野收第隱類鑿顏坏收前自古江湖客

冥心若死灰噴薄如江

寄彭州高三十五使君適虢州岑二十七長史

參三十韻自注時患瘧病

故人何寂寞今我獨淒涼老去才難盡秋來興甚長

物情尤可見詞客未能忘海內知名士雲端各異方

高岑殊緩步沈鮑獨同行意愜關飛動篇終接混茫

舉天悲富駱近代惜盧王似爾官仍貴前賢命可傷

文外諸侯非棄擲半刺已翺翔詩好幾時見書成無

使將男兒行處是接頭過渡無痕關以客子鬪身強

羈旅推賢聖。沈縣抵咎殃。三年猶瘧疾。一鬼不銷亡。
隔日搜脂髓。增寒抱雪霜。徒然潛隙地。有覩屢鮮妝。
何太龍鍾極。于今出處防。無錢居帝里。盡室在邊疆。
劉表雖遺恨。龐公至死藏。心微傍魚鳥。肉瘦怯豺狼。
隴草蕭蕭白。洮雲片片黃。彭門劍閣外。以下六韻號承故人句
略鼎湖旁。荆玉簪頭冷。巴箋染翰光。烏麻蒸續曬。丹
橘露應嘗。豈異神仙宅。俱兼山水鄉。竹齋燒藥竈。花
嶼讀書牀。更得清新否。遙知對屬忙。舊官甯改漢。淳
俗本歸唐。濟世宜公等。收故人安貧亦士常。收今蚩尤

終戮辱。胡羯漫猖狂。會待妖氛靜。論文暫裹糧。

寄劉峽州伯華使君四十韻

峽內多雲雨。秋來尚鬱蒸。遠山朝白帝。深水謁夷陵。
遲暮嗟爲客。西南喜得朋。哀蟬更起坐。落鴈失飛騰。

伏枕思瓊樹臨軒對玉繩青松寒不落碧海闊逾澄

昔歲文為理

以下述世交

羣公價盡增家聲同令聞時論

以儒稱太后當朝肅多才接迹昇

杜審言子并死劉允濟為文祭之見

杜本傳足徵其交密中宗初置修文館審言允濟皆為直學士然其初宦皆在武后時下翠虛一聯謂中

宗復辟也翠虛捐魴魴丹極上鵬鵬宴引春壺酒恩分夏

簞冰雕章五色筆紫殿九華鐙學並盧王敏書偕褚

薛能老兄真不墜

以下論文

小子獨無承近有風流作

承老

兄聊從月繼徵放蹠知赤驥振翅服蒼鷹卷軸來何

晚襟懷庶可憑會期吟諷數益破旅愁凝雕刻初誰

料纖毫欲自矜神融躡飛動戰勝洗侵凌妙取筌蹠

棄高宜百萬層白頭遺恨在

承小

青竹幾人登迴首

追談笑

以下敘世

勞歌跼寢興年華紛已矣世故莽

相仍刺史諸侯貴

謂劉

郎官列宿應

謂自

潘生驂閣遠

謂自

黃霸璽書增

謂劉

乳贇號攀石飢饉訴落藤

言託藥囊

親道士灰劫問胡僧憑久烏皮綻簪稀白帽棲林居

看蟻穴野食待魚醫筋力交凋喪飄零免戰兢昔爲

百里宰

承飄

正似六安丞姁女榮新裹

承筋

丹砂冷

舊秤但求椿壽永

承姁

莫慮杞天崩

承昔

鍊骨調情

性

謂自

張兵撓棘矜

謂劉

養生終自惜

承鍊

伐叛必全懲

承張

政術甘疏誕

收後段世

詞場愧服膺

收前段展

懷詩頌魯割愛酒如澠咄咄甯書字冥冥欲避憎江

湖多白鳥天地有青蠅

陸璣疏驚水鳥也好而潔白

滄洲白鳥羣公此詩亦言與鷗鷺爲侶耳此時公

所居地蓋有不能安者冀劉愔念世交爲濟其困又

言己非有大望但得避害閑居養生談藝

足矣其詞微嫌鬱塞故是意興不佳時也

奉送郭中丞兼太僕卿充隴右節度使三十韻

讀少陵贈送人詩正如昌黎贈送人序橫

空而來盡意而止變化神奇初無定格

六一中華書局聚

詔發山西將秋屯隴右兵淒涼餘部曲燁赫舊家聲
鵬鶚乘時去驂騑顧主鳴艱難須上策容易卽前程
斜日當軒蓋高風卷旆旌松悲天水冷沙亂雪山清
和虜猶懷惠

二韻言隴右無事

防邊詎敢驚古來於異域鎮

靜示專征燕薊奔封豕

十一韻言中原方急宜當劇任

周秦觸駭鯨

中原何慘黷餘孽尚縱橫箭入昭陽殿笳吟細柳營
內人紅袖泣王子白衣行宸極妖星動園林殺氣盈
空餘金碗出無復總帷輕毀廟天飛雨焚宮火徹明
采蠹朝共落輪栊夜同傾三月師逾整羣胡勢就烹
瘡痍親接戰勇決冠垂成妙譽期元宰殊恩且列卿
幾時回節鉞戮力掃欃槍主寶三千士

六韻入送別

雲梯

七十城恥非齊說客甘作魯諸生通籍微班忝周行
獨坐榮隨肩趨漏刻短髮寄簪纓徑欲依劉表還疑

厭爾衡漸衰。那此別。忍淚獨含情。廢邑狐狸語。

四韻
仍言

己望郭濟
世之意

空村虎豹爭。人頻墜塗炭。公豈忘精誠。元

帥調新律。前軍壓舊京。安邊仍扈從。莫作後功名。

上韋左相二十韻

鳳歷軒轅紀。龍飛四十春。八荒開壽域。一氣轉洪鈞。
霖雨思賢佐。丹青憶老臣。應圖求駿馬。驚代得麒麟。
沙汰江河濁。調和鼎鼐新。韋賢初相漢。范叔已歸秦。
盛業今如此。傳經固絕倫。豫章深出地。滄海闊無津。
北斗司喉舌。東方領縉紳。持衡留藻鑑。聽履上星辰。
獨步才超古。餘波德照鄰。聰明過管輅。尺牘倒陳遵。
豈是池中物。由來席上珍。廟堂知至理。風俗盡還淳。
才傑俱登用。愚蒙但隱淪。長卿多病久。子夏索居貧。
回首驅流俗。生涯似衆人。巫咸不可問。鄒魯莫容身。

感激時將晚。蒼茫興有神。爲公歌此曲。涕淚在衣巾。

投贈哥舒開府翰二十韻

今代麒麟閣。何人第一功。君王自神武。駕馭必英雄。
開府當朝傑。論兵邁古風。先鋒百勝在。略地兩隅空。
青海無傳箭。天山早挂弓。廉頗仍走敵。魏絳已和戎。
每惜河湟棄。新兼節制通。智謀垂睿想。出入冠諸公。
日月低秦樹。乾坤遶漢宮。胡人愁逐北。宛馬又從東。
受命邊沙遠。歸來御席同。軒墀曾寵鶴。畋獵舊非熊。
茅土加名數。山河誓始終。策行遺戰伐。氣合動昭融。
勲業青冥上。交親氣槩中。未爲珠履客。已見白頭翁。
壯節初題柱。生涯獨轉蓬。幾年春草歇。今日暮途窮。
軍事留孫楚。行閒識呂蒙。防身一長劍。將欲倚崆峒。

奉贈太常張卿二十韻

方丈三韓外崑崙萬國西建標天地開詣絕古今迷
氣得神仙迴恩承雨露低相門清議衆儒術大名齊
軒冕羅天闕琳琅識介珪伶官詩必誦夔樂典猶稽
健筆陵鸚鵡銛鋒瑩鴈鷗友于皆挺拔公望各端倪
通籍逾青瑣亨衢照紫泥靈虬傳夕箭歸馬散霜蹄
能事聞重譯嘉謦及遠黎弼諧方一展班序更何躋
適越空顛躋游梁竟慘悽謬知終畫虎微分是醯雞
萍泛無休日桃陰想舊蹊吹噓人所羨騰躍事仍睽
碧海真難涉青雲不可梯顧深慚鍛鍊才小辱提携
檻束哀猿叫枝驚夜鵲棲幾時陪羽獵應指釣璜谿
按此詩前人以爲贈張垧是也垧爲主胥地連禁密
望之不可攀躋若神仙然故以方丈崑崙形容貴峻
氣象亦暗用蕭史事耳公於垧蓋有文謙之遇故贈
此詩及其居翰林與外人隔絕矣李德裕言舊制駙
馬都尉與要官禁不往來開元中訶督尤切故再贈
八韻有無復隨高鳳之句再贈之作不復稱其家世

才望以先有此作故也題下注增字傳本偶誤作均
蒙更必欲作贈均均既非太常又起四句不能通則
謂均嘗為元宗求妙寶真符于寶仙洞調
其以求仙得幸使杜公文理大為解謬矣

移居公安敬贈衛大郎鈞

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有期
形容勞宇宙質樸謝軒墀自古幽人泣流年壯士悲
水煙通徑草秋露接園葵入邑豺狼鬪傷弓鳥雀飢
白頭供宴語烏几伴棲遲交態遭輕薄今朝豁所思
奉贈盧五丈參謀琚自注時丈人使自江陵在
長沙待命恩旨先支給錢
米鼎按此謂先有朝旨以湖南濟江陵給其錢
米而湖南帥客未給琚待此帥命久未得故有
蒼生轉寂寥之歎

恭惟同自出妙選異高標入幕知孫楚披襟得鄭僑
丈人藉才地門閥冠雲霄老矣逢迎拙相於契託饒